

通番之始
猾夏之漸

瑞之

中西紀事
卷首

增定
新編

瑞芝

中西
史事
考

中西紀事

光緒丁酉孟夏

慎記書莊石印

中西紀事原叙

道光庚子之夏洋氛不靖蔓延三載

成廟不忍生靈塗炭不得已而允撫事之請竊以夷人貪利志在通商自非前代要求割地之比惟防秋之備猾夏尤嚴而閫帥疆臣計窮徙新憂貽伏莽迨至燎原勢熾猶復煦嫗而辭讓足談笑以謝關弓在當日築室朝謀垂堂夕誓毋亦急何能擇而令

鼎湖龍馭之日輪臺自責平壤無功是則

陟降之恫詎非謀國之咎耶○時承乏臨城司訓一官首蓐無預憂危而惡聲方戢于村鷄謠言又傳于市虎于是蒿目增傷裂眦懷憤爰蒐輯邸抄文報旁及新聞紙之可据者錄而存之兩相枋國防口綦嚴珍此高帟之藏竊懷挾書之思恭逢

今上嗣位夷船徑赴天津梯航修好

上遠覽前事止呼邪于欵塞卻楚貢之包茅辭之以禮不惡而嚴該夷遂逡巡而去夫螳臂之奮豈勝任于車輪燭火之光自見消于日月況以彼不賓之荒服固已等棄地於珠厓而鰓鰓焉拾魏絳和戎之藩屢關白求封之壑揆之威德兩無居焉

皇上乾綱獨斷渙號斯宣正汪黃之罪以慰

在天之靈雪伯紀之冤以紮同民之矩

微臣需次京邸歡聽

綸音竊謂逆命有苗民何累深仁於

堯舜而責備在賢者難逃直筆於董狐爰取昔日所藏詮次成帙附陳肌見以當臚言藉備異日史家之采擇雖然支離攘臂神人以為大祥尸祝代庖君子

譏其當位居閒散而抱先憂隱者毋乃類是欲加之罪其又奚辭時

今上御極道光三十年庚戌十二月

中西紀事次叙

庚戌之冬需次京邸時值洋艘遣退枋相罷歸爰取庚子以來英人入寇本末編次成帙藏之笥中嗣見通商日久中外錯居各以詐力相尚水火生於畛域柄鑿起於錐刀於是官袒民則番怒袒番則民怒番以其強民以其衆而交關之端復起竊維馭外之要不越勦撫二端乃由前而論擇將之難漢文拊髀而興歎由後而論徙戎之患江統蒿目而生憂豈無故哉孟子曰上下交征利不奪不廢今自通商以來中西交征利矣利之所在不得不爭爭則奸商猾吏交構其間是則邊衅之相尋而無已也值天津用兵之後湖上無事乃續摺十年來所聞見者合之前定之藁分類紀序釐為十六卷中西爭競之關鍵畧具於此若夫中國自有

聖人正統不數閏位必謂侏儒昧任不齒於聲教之中吐鵲柔蠕反唇於族類之異拾野史之誣炫雷同之聽吾無取焉時咸豐九年己未九月

中西紀事定本目錄

咸豐十年 自浙返江右其年秋令曾侯以兩江總督督師駐祁門調入幕府
時值輦轂之變奉

詔北援和議既成罷兵換約凡前後奏咨稿案及軍機摺臺來往信函件次之
撰為庚申續紀踰年回江供職親預於長江設關西土傳教之役又見續頒條
約暫定章程雖法窮則變抑亦時勢為之而魚以煩烹致碎羊以多歧而亡君
子不能不於始作俑者三致慨焉爰取庚申以後續成數事增入中西紀事中
合之為二十四卷今次其目如左

卷之一

通番之始

卷之二

猾夏之漸

中西紀事
卷之三

互市檔案

卷之四

漏卮本末

卷之五

英人窺邊請撫

卷之六

粵東要撫

卷之七

閩浙再犯

卷之八

江上議款

卷之九

白門原約

卷之十

臺灣之獄

卷之十一

五口衅端

卷之十二

四國合從

卷之十三

粵民義師

卷之十四

大沽前後之役

卷之十五

庚申換約之役

卷之十六

天津新議續議

卷之十七

長江設關

卷之十八

洋藥上稅

卷之十九

小國換約

卷之二十

外夷助勦

卷之二十一

江楚黜教

卷之二十二

勦撫異同

卷之二十三

管蠡一得

卷之二十四

海疆殉難

是編草創未就得見同年魏默深中翰源所撰海國圖志愛其采摭之博惟其體例兼備四洲故於英人入寇及海疆用兵之利鈍不具詳也猾夏起于通番漏卮原於互市邊衅之生由枿於此原稿皆叙於各案下續据海國圖志所載各檔案遂仿紀事本末之例釐為四卷著始禍也五卷以後衅本邊末多据邸抄及奏咨各案參以西人載紀事之可信者十五卷換約以後則條約章程頒行各省尤為班班可攷續論次之而以勦撫異同管蠡一得殿焉卷末記海疆殉難諸臣悉以死事年月之元後為斷惟有則詳而核無則畧而存蓋仿綏寇紀略補遺之例云時同治四年乙丑六月

中西紀事卷之一

通番之始

江上蹇實

歐羅巴居天下四洲之一其地在亞細亞洲西南洋之西而中隔以地中海曰歐羅巴總其洲之島岸名也曰大西洋以其海之方隅名也若其國名則中國之所謂大秦西人之所謂泰西也自古不通中國惟東漢時遣使一貢范蔚宗立大秦傳而歷代之史因之傳言其人民皆長大平正有類中國故謂之大秦又言大秦嘗欲通使於漢而安息貪以漢繒采與之互市故遮闕不得自達至東漢桓帝延熹九年大王安敦遣使自日南徼外獻象牙犀角瑇瑁始乃一通焉大西洋之名聞中國濫觴於此然不列王會之圖遂闕職方之紀故後漢書但知其為海西國晉書始言其在西海之西西海即今之西南印度之地至魏書乃云從條支西渡海曲一萬里方隅之可紀者如此若其地理之分合建置之沿革

則均不詳也惟元代版圖之濶亘古未聞而太祖世祖封建屏藩但及於蔥嶺
西南之五天竺明初通貢之遠遣使頻仍而三保太監七下西洋第盡於紅海
東岸之忽魯謨斯雖西北界接歐羅巴西南界接利未亞而一海之隔苦于問
津無不自崖而反宜利瑪竇初至京師而明之禮臣不識大西洋為何地意大
利亞之為何國也然中國固不識大西洋之地而利竇瑪方自海外來亦茫然
安識其所謂大秦者蓋自與徐光啟輩交又得見唐之大秦景教碑詳卷二以為
與其國所奉事之天主教合故中海稱之無異詞又儒略者亦西人記載其碑
於所撰西學凡後又考其疆域序其島岸之國名而作職方外紀大略言歐羅
巴洲中七十餘國其大者凡十一國則佛郎西即佛郎意大里荷蘭即法蘭
得呂宋即紀中之尼及額力西即紀中之尼俄羅斯即紀中之之屬皆在焉又言地
中海之西有意而蘭大諸危利諸島國即今之英吉利兼轄阿爾蘭者是也攷
其分合之由則自漢以前皆統於額力西即今之至東漢時羅馬浸彊即今之

意大里亞國並吞各部歷四百年綱紀西洋一統最久六朝之季羅馬衰微為北狄莪特之族所侵分裂其地於是各部自王不相統攝惟共奉一教主而其教皇世居意大里亞國中凡大西洋受封廢立之事皆請命焉然不能執予奪之權也佛郎西興於唐英吉利興於宋而一時歐羅巴洲各國如荷蘭葡萄牙西班牙等經營貿易估帆所達及於西南洋東南洋各開市埠英佛聞而繼之遂以是為通中國之漸矣明自永樂以後數遣人下西洋示以通貢凡前後隨使至者以百數而大西洋之國不與焉迨正德間佛郎西踞滿刺加之地遣使臣請貢方物後又乘倭寇之間縱橫海上占踞澳門而荷蘭葡萄牙繼之然明之諸臣迄不知其為大西洋人直至萬厯間利瑪竇至京師始識大西洋之名而迄不知其與佛荷等國之或同或異也况自西土利艾等與中朝士大夫往返討論固已備悉其山川風土指掌列眉而修明史者尚墮雲霧中豈非卧榻之旁被人瞞睡而不知者邪然則通番之遠莫遠於明而勤遠畧於數萬里之

遙遂釀近憂於二百年之久豈細故哉今參核明史及中外紀載之書著其可攷者於左

都居會同館見提督主事梁焯不屈膝焯怒撻之江彬大詬曰彼嘗與天子嬉戲肯跪汝小官邪明年武宗崩亞三下吏自言本華人為番人所使乃伏法絕其朝貢其年七月又携土物求市守臣請抽分如故事詔復拒之嘉靖二年遂寇新會之西草灣官兵進捕生擒二十四人斬首三十五級獲其二舟賊敗遁官軍得其礮副使汪鉉進之朝即所謂佛郎機者也初興東文武月俸多以番貨代至是貨至者少有議復許佛郎西通市者給事中王希文力爭之由是番舶幾絕其後巡撫林富上言粵中公私諸費多資商稅番舶不至則公私皆窘因言許佛郎西互市有四利焉部議從之自此佛人得入香山澳為市而其徒又越竟商於福建往來不絕至二十六年朱紉為巡撫嚴禁通番其人無所獲利則內紀漳洲之月港浯嶼則使柯喬等禦卻之二十八年又犯詔安官軍迎